



In mercui ai 07 de Novëmbër éel gnü sughé le recupero (sburalda por nêi) dla 8° partida dl campionat 2012/2013 de 3° categoria por La Val. La partida é gnüda sugada te ciasa cuntra la squadra da Percha, che é ultims te tlassifica. Mo ai á davagné cuntra Prettau.

Ince sce al é en pü frëit y le campo en pü da broja el gnü zughé in chësc iad. La pala é dër ria da tigni sot a control. Porchël éel gnü dit bel dan partida dal alenadú da sughé io bas y nia fá lanci lusc.

Bel da met man dla partida è Percha che mëss bel fá le prüm cambio, sön en burt contrast de cé, salta adüm Paolo y le atacant. Le sogadú da Percha á la sfortüna y se fesc en gran tai sura l'edl y mëss insciö lascè le campo.

Insciö á ince metü man La Val cun beles combinaziuns bases danter düc i sogadusc. Mo al mancia ciamò le ultimo passaggio por jí al tiro te porta. La prüm ocasiun da gol é spo bugn i sogadusc da La Val da sfruté. Al vëgn fat en bel passaggio cros ite a mez dala fascia Alexander. La pala pê pordüda, mo Adrian chrëi ciamò sön la pala y vá cuntra le portier. Le portier vëgn fora y cun en rimpalo en pü fortuné röia inant Adrian, che mëss ma plü apogé te porta. Cun so prüm gol te campionat chësc ann porta Adrian in vantaje La Val por 1 a 0.

Püch dedô el spo Freddy cun en bel passaggio a Alexander che le porta dan le portier. Mo al se arlungëia massa inant le pal, insciö é ciamò bun le defensur da stlü y devié la pala demez. Le Percha ne é mai prigorusc, ma sön pales inantives proi da sfruté la grandëza de sü sogadusc. Mo i defensursc da La Val é tres bel concentrá y ne ti lascia nia la pala.

Ala fin dl prüm tēmp é La Val che mēt man da sughé cun pales altes, insciö ne röi nia plü a de beles ocajiuns. Le prüm tēmp se stlusc jö sön le 1 a 0 por La Val.

Tl secundo tēmp é le Percha che vëgn cun plü grinta te campo. La Val mēss en pü se stlü ia, mo porchël esi bugn cun de beles aziuns veloces de contropiede da ester dër prigorusc. Deplü pales slizia demez por via dl campo lize, scno fosi i atacancé ruvá te porta.

A mesa le scundo tēmp é Ivan che se porta cuntra le portier sön en bel passaggio de Florian. Al é bun da driblé le portier mo la pala sclizia indô demez, insciö röiel massa jö sön le fondo y ne é nia plü bun da trá te porta. La pala röia ite a mez, mo dailó ne él degun compagn.

Ince Alexander röia cuntra le portier, al prô en palonetto mo le portier stá in pé y é bun da parè. Püch dedô é spo Ivan che röia le secundo iade cuntra porta, mo le tiro bas ti röia bel avisa ados al portier.

Percha é ince prigorusc cun poniziuns al limite, mo les pales röia sura porta fora o che Sepl é bun da parè.

Ala fin dla partida é ciamò Lukas che á dös gran ocajiuns mo i dui tiri röia sura fora.

La partida se stlusc jö sön le 1 a 0 por La Val.

Cun chisc 3 punç davagná se porta La Val al 6° post.

Proscima y ultima partida de campionat é in dumënia ai 11.11.2012 te óiasa cuntra Prettau.
Dopo saral óiamò le retorno ai 17.11.2012 cuntra Gsiesertal.

□

La formaziun titolara: Kantioler Sepl, Valentin Elmar, Alton Alex, Vallazza Paolo, Castlunger Marco, Miribung Adrian, Sottara Freddy, Sottara Stefan, Miribung Alexander, Tschaffert Ivan y Rubatscher Florian.

□

Sostituziuns:

Frenes Egon por Miribung Adrian

Valentin Lukas por Miribung Alexander

Steinhauser Elmar por Rubatscher Florian

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)